

Diese itzt benante Amptleut vnd Diener / desgleichen
Schichtmeister / Steiger / vnd andere / sollen Uns ge-
bürliche Lydes pflicht thuen / vns vnd vnsern Erben
vnd Nachkumenden Königen zu Behem / gehorsam
gewehr vnd getrewe zusein / Wie dan eines ieden Lidt
vermag vnd innen heldet / Die sollen auch / on erlaub-
nus von hinnen nicht abraisen / einen Erbarn / vnstrefflichen wan-
del füren / nicht eygennützig / sondern ihres gesetzten Lohns begnü-
gig / vnnd niemands darüber beschwerlich sein / Vnnd sonderlich
Bergkmeister / Geschworne / Steiger / vnd Arbeiter / fürnemlich /
an arbeitenden tagen / sich viel Nochtzeit gehens vnd Quassereyen
messigen / Auch sonst allenthalben / dieser Unser Ordnung dem
Rechten / Erbarkeit vnd billigkeit gemess / geleben vnd verhalten /
Alles beygesetzter vnd anderer Rechtmessiger / ernster vnd vnnach-
lessiger straff.

Darüber haben Wir / Gericht vnd Recht / in Bergk-sachen /
Auch inn Burgklichen vnd Peinlichen handln / bestellet / damit
einem ieden / was Recht vnnd billich ist / mitgetailt vnnd
verholffen werden sol / Was nun einem ieden derselben
vnseren Amptleute / Dienern / vnnd anderen
zuthuen gebüret / vnd eingebunden ist /
wirdet sich aus nachfolgenden
Teylen / vnd Artickeln kler-
lich befinden. .

Der Erste

